

Presentacion na biblioteca nacional

Prome buki di autor

Ronny Lobo



ORANJESTAD- ‘Bouwen op drijfzand’ ta e prome novela di Ronny Lobo. E autor, mescos cu e caracter principal den e buki, ta un arkitecto. E autor ta logra un composicion den su storia cu ta uni su amor pa arkitektura y e cultura Caribense cu hopi otro aspecto interesante di relacionnan humano y un complehidad di diferente motibo ta duna e storia un tension y suspenso.

Biblioteca Nacional Aruba conhuntamente cu Editorial Charuba ta organisa un presentacion di buki di un autor di nos isla ruman, Corsou. Sr. Ronny Lobo a publica

e novela ‘Bouwen op drijfzand’ y ta presenta esaki na Restaurant La Trattoria Faro Blanco (California Lighthouse) diasabra anochi den un ambiente special. E presentacion ta cuminsa 7or y ta te 9 or.

Inspiracion pa e buki

E cas editorial cu a publica e buki aki ta ‘In de Knipscheer’ cu ta un cas editorial na Hulanda, hopi conoci pa su publicacionnan di autornan di region Caribense. Lobo, kende na 1992 a ricibi e premio Cola Debrot pa su trabou como arkitecto, ta considera arkitektura un arte y ta purba cada biaha, tanto den su trabou den arkitektura como den su creatividad di escritor, pa bay bek na origen di tur cos pa asina haya mas conocimiento y inspiracion. Pa “Bouwen op drijfzand” Lobo a haya inspiracion di diferente autor y buki pero muy en special e autor defunto Erich Zielinski, autor di e.o. ‘De Engelenbron’ y tambe Frank Martinus Arion, escritor di entre otro e novela ‘Dubbelspel’. □